



麟溪集卷之十

續增

序

送鄭升恭先生致事還鄉詩序

聖人南面而治天下惟其任君師之職作民極也湯
誥原帝之降衷必繼之以克綏厥猷惟后泰誓推
作之君師在乎寵綏四方湯武自任之重如此誠
以受中秉彝固人之所固有然稟氣之偏物欲之
蔽鮮有能全其性分之正必待君師之教而後能
安於道焉是以雖帝王盛時五典必勅而後惇六
行必書而後備又有彰善癉惡之典以防範之其
為世教計也至矣洪惟



太祖高皇帝肇脩人紀用夏變夷以承先哲王之統
皇上重華繼志一以教化為先務

聖謨廣運其天其淵詎可以管窺蠡測然即義門鄭
氏之蒙被

寵光亦仰知其萬一也巴翰林典籍鄭焄美一日
偕其兄焄恭甫過余寓舍詢知來白北

京蒙

恩致事南還既而曰榦無所肖似遭值太平之盛
忝列著定之間茲荷

仁恩獲遂歸老今雖退伏田廬葵藿之念恒如子
年之存闕自度無以効犬馬之誠惟昕夕焚香祝

萬歲壽訓子孫成材庶圖報効耳言既訖美進曰我

義門自貞素處士合族以居由宋涉元入國朝三

百餘年往嘗亦有在者然未有如

聖朝恩眷之隆也先是洪武二十六年蒙

宣召一家子姓二十四人至

御前即擢濟為左春坊左庶子三十年

召拜沂為禮部尚書永樂初元擢榦為湖廣道監察

御史今年七十有二未敢引年又蒙

特命賜冠帶致事復有寶猪襲衣又

錫宴以寵其行仍賜

勅恩厚澤不一而足自祭酒胡儼先生以下紀錄盈

軸今進見

東朝謝

恩將還鄉司家政翰林春坊諸公亦有詩什願為
序引弁其端予憶永樂甲申忝儀制郎中時仲與
尚書

詔許致政濟以官聯交承嘗為序以饒其行今歲行
一周而林恭甫又蒙

恩命何鄭氏一門荐承

天寵若是耶竊伏思之茲蓋

聖天子旌善厚俗之盛德美意于以風示四方砥礪
斯民而作興之蓋與湯武誥誓之意同一揆也豈
特私於鄭氏一門也哉方今治教昭明化育之所
陶甄無不有孚顯若矧

聖心所嚮則人孝弟之心油然而興起必矣將見比屋

之民咸變可封之俗

神化與天地同流惟

皇作極今猶古也抑予聞鄭氏以孝友列在宋元二

史子孫世守詩書之澤一門同慶食指餘三十義

聲聞九有逮今十有三世恒如一日雖曰植本固

後源深遠亦由其後人積善以滋培之崇禮以維

持之以故愈久而愈蕃也雖唐之張公藝宋之九

江陳氏皆莫能及昔蘇長公嘗曰君子之澤有其

人雖百世可傳要在世有其人且林恭甫之為御

史嘗按行嶺廣風裁疑遠惠愛在人今方還里為

九世家長有軒裳之榮遂優游之樂

龍車下賁聚然奎壁之光焜耀發女之壻增顯祖

宗不但閭里之榮也其尚益懋忠慎焉於行義以率其家衆欽遵

寶訓飭尔子弟迪德教忠成其材能將見繼繼繩繩

國家之使令報

生成之德庶有以副

恩命而無愧前人矣詩曰有覺德行四國順之予既頌

聖朝旌善厚俗之盛矣又曰子々孫々弗替引之牀

恭甫往任宗事可不知所重哉

求樂十二年龍集甲午十一月初九日奉議大夫左春坊左庶子嘉興鄒濟序

送鄭御史致仕還鄉詩序

士生斯世也見用于時難見知于

上尤難夫用否由材可力以致若獲乎

上則唯有道者是承而遇不遇又有天者存其間固不容髮奚力之克到哉故荆山之璞不有卞和當與瓦石俱晦大宛之駿不逢伯樂當隨駑駘並驅其見遇誠尤難矣苟非所出有自所負有道所進退有命孰敢強之予同郡浦江有義門鄭氏者同居十餘世族屬數千指動定有度提訓有塾雖童非如老成人無敢豪釐越理義之閑四方縉紳先生聞有自義門出者必心服而義門賢子弟之士于四方者亦有相磨礱相發舉彬々是以稱瑞常

時若侍

御者則猶鄭氏之龍眉也少有高志天資穎悟讀書述文迥出行輩迄壯礪行益精鍊事益熟辯論侃々終日無虛言筮仕日鬢髭已斑而精神倍發若強仕人立

朝剛直守義不回淹馬周之才包范滂之志如長松挺秀于寒林獨鶴清唳于太虛由是

聖眷加隆百司憚服執法數載宅心猶一日未嘗以夷儉易節憂樂異態也今年秋

皇上念其血氣衰筋力緩不能趨事于朝夕迺錫華宴迺頒大賚迺寵諭

玉音俾循禮而致仕于家冬十有一月過辭

東朝凡見者莫不噴々歎賞以為曠世之遇致于

小子亦與有耿光吁華駘歸里文旆旋東而金華

之草木鳥獸詎不被輝榮而欣躍者乎予與生同

地任同官寧蒞一慶故于其行序以送之時

永樂十有二年龍集甲午壬戌臘

署都察院事監察御史同郡卽珙書

送鄭御史致政歸田序

盛哉禮義之可以為家也廣居良田人皆有之非禮義不能以世守榮名祿位人能有焉非禮義不能以保終吉吾於義門鄭君恭御史公之致政也信乎禮義之相承足以為

盛世之光華也義門之有家始於宋建炎見諸史

傳名播天下政事文學代有其人際遇

聖朝仕于中外者接武率皆進退敬謹身全名立非禮義之素守而能之厚

洪武間御史之叔庶子公以年老謝事

賜歸永樂初尚書公繼又

誥賜歸田迨今十年而御史又蒙

勅諭賜歸兼有繡衣楮幣之資

恩寵有加焉道過

南京翰林典籍林美先生其季弟也視余朝賢餞贈詩文則少師姚公諸名卿之作鄧庶子先生為之序亦既錦彩煥爛而金玉交奏矣然未有言及御史公之政事才能者余在中書中書寮友有同

御史公出案治者曾為余言其在廣東也奏免蠶戶採珠糧等征數十萬惠民為多其在福建也衆尤悅其能聲而仰其風裁持憲網迨幾三考斯其簡在

聖知有今日之榮

寵也豈非禮義之名門而然乎余與翰林先生交契最厚讀其秋歸去來辭以饒逸其兄又有以見藹然出乎禮義之間不唯詞藻之文麗也賢

盛世之光華以為士勸有不容已於言敢忘其僭序諸末簡

永樂十二年十一月望後一日從仕郎中書舍人

安成張昌齡

送鄭御史先生序

世之稱頌未有不難古而易今何哉駭聞玩見爾昔石奮以恭謹至太傅四子皆登二千石號為萬石君當時郡國莫不墓其家行疏廣與受為太少傅乞骸之歸公卿故人祖送數百兩觀者嗟賢賣金供具族舊聞者慕義後世觀諸史冊絢然巍然似不能復見於今之世矣余獨以奮之無文學由小吏因姊琴以進身於君子優學抱道必徵聘而起者能無少歎為廣受之去所輔太子年方十二大業未純卒至孝元之掌制不斷以衰孝宣之業然其知機自處則善矣以身徇忠之義潔身隱淪之德皆蔑乎無聞然則見稱於朱子小學之書何

也聖賢為教舍其短而取其長耳後世苟無三子之短有過三子之長謂今不如古可乎同邑麟谿鄭先生於恭族右吾浦陽自宋迄今合居聚食已十二世詩禮繩繩代多偉人孝義補天下先生以拔萃之資精學力行於家庭之教又承當世儒宗潛溪宋公為之師得春秋專門之傳故平生嚴謹通明以涵偉器昔

太祖高皇帝洞其家聲之著嘗取其家範以

詔諭廷臣咸可依循繼用薦者言特遣使抵其家年三十上者徵至

上前頌問都吁崇恩異遇親拔其尤良者五人首則先生季父仲辨任春坊左庶子餘則

詔令優養于家次以聽擢後則季父仲與為禮部尚書繼而先生為監察御史次又弟焯成為滁州判官焯度為

蜀府教授已而焯美復為翰林典籍然物故者三人先生與焯度焯美咸祿食無恙俄而先生以衆例辦事北京者五年而齒髮七衰逾二矣於是乞歸舉從子懋自代

皇上欣然從之諭廷臣曰其家孝義先帝所嘉固所保全之也

賜楮幣五百千

勅禮部設特讌于大官之堂朱紫踰々行酒于下陳以應奉之樂明日

陛辭又賜繡衣一襲楮幣一百千
勅文褒諭其教養子弟來膺朝用尤好者聯鑣駢肩祖送都門外以來南京

陛辭

春宮殿下凡蒙貂帶革供張之舊復紛然猶

北京能詩章者皆見歌詠以揚

寵光咸謂予与先生壯歲遊舞久且親序莫余宜余無讓以作曰先生孝義之門天下艷慕傳十餘世滔々未涯祿食六七人後將仕者繼々未艾身遭

聖主簡拔以遺

聖子神孫淹經貫史知聖人褒貶鷄立鵬騫於

殿陛下

勅書幣衣之賜擇賢子姓代身以盡忠祖送之盛
於二京方之止於郡國之慕未三世而孝謹衰因
吏藝以進無文學以副其位受金縈身以去此孰
知孰長萬石之踴都門之祖今昔重輕無幾也賣
金供具先生家世觴接賑給於族舊者恆事也此
有

君賜而寧掩之乎後之任遷固筆繼朱子采者大書
特書不在先生乎是果可謂古難令易不有起其
上者哉雖然道之在人猶川流前者逝而後者繼
先生出仕久矣夫冀北之羣固非無良聖人所慮
斐然云者思必裁之而姑息之萌或生於老邁是
惟勸其益壯之志譖裁其彬々者出以效忠益振

先業俾家山草木光輝日新照耀姻鄰副士友期
望為先生政績之懿非此可書姑畧出處之樂以
序嗚呼苟不余鄙掛之高堂以臨先生子姓之目
可不惕然一念前烈而睨余言為諛誇哉永樂甲
午中冬黃容序

五言詩

少師姚廣孝蘇人

致政歸來日希年鶴髮明人瞻駘馬貴

帝賜錦衣榮烏府霜猶肅麟溪水更清義門添喜色

父老踏歌迎

翰林脩撰馬鐸

海內推名族江南讓義門標高知茂植流遠識深

源忠孝家聲舊淳茂俗化敦耆頤優世澤後又蒼
皇恩履聽尚書貴駘乘御史尊中堂羅廣席外含藹
華軒爨合千人桂庭萬葉蓀聯名登仕版接步武
詞垣致政變承

寵臨軒更贈言青年在霄漢華髮樂丘園栢府冰霜
操蘭階金玉昆麟溪最深處濟之候兕孫

春坊資善天台徐善

峩峩仙華山湛之麟溪水奕之孝義家十世同居
止子姓敦詩書賢才繼踵趾有偉赫恭甫盛年躋
顯仕柱史繡衣明栢臺駘馬駛忠貞瀝肝膽風裁
肅網紀丹心雖未灰白髮已垂耳
清朝重耆德愍勞以官使

恩寵錫襲衣褒揚承

勅旨懸車志雖遂戀

闕情曷已儒紳惜分離詩文爛錦綺難弟富才華
詞垣掌經史和陶歸去來辭韻巧相似浙河春波
暖歸舟平若砥舊時釣游處山川更清美高堂日
懽宴應問金銖幾樂苑乘榆景優游緩福履忠孝
永傳家令聞垂千祝

翰林檢討古洪張穎

以容黃金墓鬢絲白縷之平胡昨戲詩乞身向

明主嘉尔出名門

錫歸優

詔許

勅書煥

天章繡衣歸故里我、金華山法、浦陽水照耀增
輝光崑山與合浦十世忠義家簪纓相繼武

雲間顧文達

玉瓶斟別酒千里送歸人際

世昇平久為官趣味真繡衣忻致仕白髮信蒙春
依鶴應相慶山林有老臣

吳興楊復

溯水東南馳浦江自清只溯山翥羣鳳華峰秀雲
時佳氣鍾于人伊昔有鄭氏累葉崇善道錫類生
孝子仲舉不凡質慈明無雙士隨珎絕園塋和璧
鮮瑕滓

聖朝收清譽東帛就徵起

帝心既簡在詔可柱下史補

袞極謹論忠國竟忘已擎、肯盡瘁竭未且磨齒
未擬見素衣條蒙廣受喜

天眷孔優渥迺獲致其仕

王音加褒崇芳燕布蕃祉聞者共歆豔

皇恩海無狹嗟子媿行操弗啻瑚璉比待賈頌貴售
榮達遂致此而我同僚案鹿、慙諫帝塞吾法前
脩庶免衆嘲訾為寫千里贈復以寸心矢

同色于寧

孝義傳家著公明冠世豪平原滂雨澤嶺外息風
壽緩拜

恩金盛杯傳道義高嗟予緣勢隔安得日叨陪

同色朱彪

昔我在弱齡送君應鵠頭燕雀蓬蒿安鵬鸞霄漢
遊風霜捲栢臺豺狐遁林丘令聞馳士友餘光照
嫺儔參辰幾星霜萍蓬會

神州斑者今盡皤綠者亦已髮怡然鄉邑舊宛有
情意周嗟余競舉家羨君浩歸休浮雲乘風翔沉
泥隨水留離觴一縷縷別思千綢繆望斷龍江曲
念造麟溪陴願將無涯灌來慰有激愁

七言詩

中書舍人毗陵王孟端

壯年從宦老京華憶自

先朝歲月餘夕歷憲臺頻纘轡近承

優詔許還家金頒

內帑衣裁錦醺

錫南宮帽壓花如此

恩禁光閥閱向人緝說信非誇

春坊中允臨川吳均

先生高年七袞餘廣眉豐下蚪髯鬚繡衣豸冠持
白簡氣岸凜與秋霜俱十道激江曾攬轡乘駘解
使行人避聚族能惇集義居承

恩又遂歸田計襲衣

寵賜錦生香

御筆新題雲漢章叔父前年辭

玉闕送行冠蓋何煌煌，卽君此日縣車去。榮光照耀
麟溪路，嗟余白首舊交游。醉折梅花題贈句，
聖代尊崇禮獨優。香山未許擅風流，他時倘得還鄉
里。我已輸君第一籌。

翰林典籍王杰

高年致事喜忽忽，知是名門眷愛隆。

誥賜金箋

宣內翰酒頰瓊液出

黃封才華用世尋常有，孝義傳家孰與同。駉馬繡
衣榮故里，好教善俗播

皇風

翰林待詔三山高建禮

名成知退似君稀，七十從心合息機。手疏辭榮霜
滿髮

恩波賜老綉為衣，絲綸

帝語皆褒典，駉馬人行上避威。

北闕回瞻雲路遠，東門祖餞雪花飛。仲虞昔眷高
年祿，既受令承衣。晝歸鄭里江山添氣色，義門德
望轉光輝。溪頭倚杖看流水，林下懸車掩舊扇。時
有栢臺飛夢覺

堯天遙望思依

翰林編脩文江周益簡

中臺御史金華產冰玉，為心鐵為面白筆。朝橫栢
府霜繡衣，日侍

金鑾殿中直早知名柱下時聞蹇蹇聲一封屢
奏千言切三尺常持萬法平錦鞵駘馬黃金勒宦
路曾為兩

京客相逢但覺眼猶青相對那堪頭已白明時
聖主重才賢此日還教遂引年香山會入三朝老閣
苑閑推第一仙君家孝義名天下豈比尋常富貴
者

宸翰先生煥壁奎錦袍

勅賜熏蘭麝羨若簪紱近成行尚書還復秘書郎祇
應家範承先代更遣芝蘭總播芳

中書舍人吳邵朱吉

致政歸田荷

聖恩金鑾寵錫眷名門霜威凜以忠貞襟風度雍
孝義門奕葉有人光懿範清芬多士繼前聞冥鴻
得路看高舉益振家聲裕子孫

中書舍人鄭公佐

名重霜臺播邇遐崑山一片玉無瑕

兩朝喜遇

恩榮日十世相承孝義家

鳳勅雲章歸故里青山綠水舊生涯都門此日叨
陪餞老我空慙面豨華

翰林編脩莆田黃暘

麟溪之水清且淪鄭家自昔稱義門十世同居集
才俊一堂和氣如春溫芳冠文采尤超群早年壯

志即凌雲立當

霄漢輸忠鯁坐見霜簡揚清芬功名到手雙鬢皓
千里丘園許歸老獨騎駉馬出

玉京新

錫繡衣耀晴昊詞林別第難為情都門祖席傾離
觥白下雞鳴度前館吳山雪霽催脩程畫繡由來
人所羨應知孝義重增榮

禮部主事東江俞永

豸冠才行出人群無忝江南孝義門今喜辭榮歸
故里曾看對仗讀彈文紛々揚楨都門雨舟々帆
播浙水雲我有草堂三泖上何年賜告沐深

恩

朱逢吉

白髮青衫乞引年

聖君

恩澤浩如

天首承

勅制仍冠帶加

賜衣金及

御筵共羨

光榮千古異終期孝義一門全明年海子荷花放
准望飛鳧到

日邊

孔克進

一泓同居十世多手持風紀九年過丹青以陟清
高地白髮還歸安樂窩

御賜錦衣傳王陛自扶鳩杖拂烟蘿

天教福壽令如此汗簡名書永不磨

胡柴

九重丹詔許南歸駉馬翩翩出瑣闌
杭疏已曾余作鏡還家仍是繡為衣
潮生京口雲帆迥樹繞昆陵驛路微
寄語東陽諸父老太平

天子望明時

維揚秦茂

鐵冠幾幾鐵面冷十載

朝端著忠鯁將軍膽落不須驚宰相冠蓋還嗟

聖恩優老許還家供帳都門數百李春風
市置馬前路長亭楊柳短亭花道逢駉影行
上繡羅衣裳耿江水富貴一朝歸故鄉古來
豪俊誰能尔

雲間許士深

昭代榮光擢一門麟谿詩禮舊家存
居官久厲風霜操致仕重霑

雨露恩白髮車前迎父老綵衣堂下拜
兒孫故園梅柳垂垂發日揮金具酒尊

雲間金鉉

一簪白髮凜霜威優老

恩隆特許歸

丹陛近臣傳錫宴

金門中使出頒衣半生功績今無忝九世家聲古
亦稀畫錦莫言人共羨故園桃李益增輝

淮南蔣用文

白髮蒼顏老後官乞身歸去喜輕安不隨鴻鶴翔
霄漢竟託松筠保歲寒
而土主推恩山嶽重愚臣報

德寸銖難

玉音訓諭宜珍能傳與兒孫以遠看

天台曹簡

獨羨江南孝義門古今簪笏有餘芬家聲不數張
公藝宦業寧多萬石君烏府清霜秋冉々麟溪涼
月夜紛々乞身賸喜

恩光重千里歸來卧白雲

淞南蔡祖

拜沐

天恩復故鄉烏紗白髮耀秋霜綉衣舊著原無忝
鸞誥新頒益有光千里雲山迎去馬

兩京冠蓋送歸航二疏謾說當年事何似于
令治道昌

同邑戴照

與君鬚髮共為霜獨愧龍猪欲並駭馳譽賸君誇
石奮戀官堪我效馮唐麟溪草木新顏色馬劔家
山舊景光何日有輿相往復咲談離合接杯觴

金華山金銘

幾年龜寶論蘭臺上疏多綠白髮催

鳳闕

恩波從浩蕩麟溪風月待追陪
迤松落影移蒼石
庭竹含青映白梅
隨意杖藜延客話
子孫蟄之侍
銜栢

同邑陳仲載

十年簪筆侍

彤庭歲晚歸休荷

聖情駘馬舊乘風紀肅

龍章新賜

寵光榮天邊鶴序差分侶
溪上群鷗重約明
祖墮
都門多冠蓋二疏寧許擅高名

同邑周旼

賜金褒諭許休官獨見麟溪老
豸冠朝笏二

京辭

鳳闕祖車百兩列
鴉班兒童謹驟登
罔望父老遥
迎側道環占盡

寵榮天下樂繡衣
光照練衣翻

同邑毛鈺

聖主覃恩念老臣乞歸優

許上回輪

恩承鳳闕星辰動
光照麟溪草木新
萬石僅知能
保位兩疏只解自
全身如君忠義俱全
美未識當
今有幾人

典籍第棠

和韓蘄筆韻

先生忠誠簡

帝知在朝不但推才奇豈冠十載挾霜簡迎風一殿

清玻璃乞身歸田

恩賜厚屨有章

奏安民苑今來山林更蕭散溪橋玩水無敵為相
隨童冠喜齊列况復家世同煬炊摘瓜酌飲歡醉
後吳風竹簟應相宜蘄州笛竹聞家美昌黎欲取
傾家資故人特贈耒潤筆辰看涿水風漣漪便將
千豆供清趣封囊囑付蒼頭兒歐陽退休清潁日
亦愛竹簟涼風吹睡餘支枕夢天上綉衣駉馬迎
朝曦先生文繼韓歐武高風韻度無時衰

辭

和歸去來辭奉送

御史兄致政歸田

歸去來兮蘭臺御史承

恩賜瞻望

清光其日遠心戀

闕而情悲願竭誠於所事迫暮景之來追鳳池邊
之躄久喑煩言其云非

錫瑤池之華燕

賜繡錦之新衣荷

寵賚之濡渥之報効之纖微駟牡駢之東南迅奔

至于

南京重謁

金門來朝

儲后忠赤懷存碩以

清問酌以上尊陳下情之誠款屢喜動於

天顏家義聚之十葉得畎畝之自安以孝友之世敦

於名教其有關賴

朝廷之恩祐若嘉瑞之榮觀今以次為宗長又致

政而

賜還但日夕其

華祝歌

帝力以暨桓歸去來芳別寮友之舊遊久鵲歸之班

侶亦贈言之相求在江湖而思

君在廟堂而民憂念簪白筆于霜簡恒獻納以箕疇

都門祖餞停槎仙舟帳連枝之分手問某水于某

丘指越嶠之家山下浙河之長流情去住之兩難

匪樂退而歸休已矣乎夔龍接武

堯舜時巢許掉頭何可留胡為乎從此將安之功

名皆寔分立德以為期訓家庭以詩禮供

國賦以畊耔樂田間之鼓吹賡股肱之歌詩歲

天壽之聖郎飛寫來

覲何奚疑

麟溪集卷之十終



